

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Illvstrivm Virorum Epistolae, Hebraicae, Graecae et Latinae, Ad Ioannem Reuchlin Phorcensem virum nostra aetate doctissimum diuersis temporibus missae**

**Reuchlin, Johannes**

**Hagenoae, 1519**

Hermannus Comes de nuenat, Iohanni Reuchlin Phorcensi S. D. P.

[urn:nbn:de:bsz:31-270838](https://nbn-resolving.org/urn:nbn:de:bsz:31-270838)

EPIST. ILLVST. VIRORVM AD  
ad te mitto, cognoscere potes. Sed qui ex Iudæis apud nos inueniatur qui tales libros non modo excubere, uerum etiam legere possint reperies forte neminem. Paupertate namque omnes pressi, literarum studiis non incumbunt, ideo nec mea quidem illi legunt, nec ego ullam cum eis habeo conuersationem. Facilius Romæ inuenies apud Reuerendissimum Grimanum Cardinalem, inter illos olim patris tui libros, quos utinam uidere possem. Nā haud parum multis hebraicis ego quoque & moleste & grauius egeo. Quare uicissim oro, ut me tu ipse adiuues, & foeliciter ualeas. Stutgardia: Prid. Kalend. Quintiles. Anno M. D. XVII.

Hermannus Comes de Nuenar, Iohanni  
Reuchlin Phorcenfi S. D. P.

**E**N tibi amicum utrumque grauem qui tuas partes tenet apud Leodios & Aquas. Exegit à me literas commendaticias ut te ex itinere inuisere posset, quod feci ipse non inuitus, cum quod te amem, tum etiam quod illi negare non potui. Contra Honstratum, id est κωδὸς γογγύων καὶ κωδὸς γογγύων Canironclum illum bonæ famæ hostem paucula inepriuiimus, grauiora quæque ad exitum maturâtes, pedetentim contra beluam incedendum est, quandoquidem externa præsidia nondum accesserunt, coniunctis copiis expugnari commodius poterit. Egrege animauit me Buschius, idemque Huttenus fecit, ambo tui honoris propugnatores, quorum posterior ille posterioribus ad me literis suis uoluit, ut quoties ad te scriberem, sui facerem honorificam mentionem. Sed quid anserem me iubet stridere inter olores? ille tamen cum sit amicus facile obtinet ut parere malim etiā ineptus quàm impietatis insimulari. Tu autem nosti hominis ingenium, mores, indolem. Præter uirtutes & genulum splendorem totus est candidus, cultus, atque elegans. Te ita obseruat ut præferat etiam necessariis, literas ita colit, ut nullum barbaries acriorem sentiat hostem. A Glareano quoque è Galliis nuper literas accepi, ubi partes nostras tenent eruditi aliquot, quorum in dies expecto præsidia, apud Eburones idem facit religiosus ille quidem, sed accuratissime doctus Paschasius Berselius. Verum, ego nihil opus esse iudico tantis auxiliis, contra ranas paucas, quas etiâ

IO. REUCH. LIBER SECVND.

nunc garrulitatis suæ pudet, alias intendi machinas, agitur res du-  
ctu optimatum, hos ualde suspicit hoc hominũ genus. Spero bre-  
ui te aliquid intellecturum quod afficiat. Incipiunt iam paulum  
diffidere ipsi, tota adhuc faba cudetur in capite Astarothi. Anthe-  
um nactus est fortiorem, Hercules ille Ficticius, qui ita seipsum ap-  
pellat. Quiesce tu, interea dum luctamur, uidebis ut te ex insidiis  
eripuero. Deinde si tibi otium suppetet, ad nos quãdoq; accedas  
uelim. Ludemus bellam comœdiam, conficiemus Sycophantas,  
usq; ad medullas. Leodiensis episcopus Gallicum explicauit no-  
dam, adiunctus Burgundionibus, quæ res facile efficiet ut nobis  
quoq; accedat, possum aliquid apud illum. Cum ueneris ad nos,  
curabo ut omnia pro uotis nostris eueniant, nil tibi æque condu-  
cere possit, q̃ eius Principis fauor. Bene uale. Colonia.

Io. Potken Præpositus S. Georgii Coloniae, cum tui  
amantis. I. Q. Ioanni Reuchlin Phorcenſi LL.  
Doctori S. D. P.

**N**IHIL ambigimus doctissime doctor, quin & nostræ & ali-  
orum tibi & innocentia tuæ fauentium literæ, te ob Picatũ  
non per tecta in urbibus uolatium, sed uicatim & domatim  
etiam casatim humum non quatuor sed quinq; digitorum pedi-  
bus calcantium & quæstum mendicare facientium uexationes,  
forte formidulosum, aliquantum recreent, eaq; de re te de nõnul-  
lis, proximis diebus pro & contra te Romæ gestis, certiozem face-  
re curauimus. ¶ Die Veneris proxime lapsa, nobis præſenti-  
bus, decreta fuit inhibitiõ per Reuerendissimum Cardinalẽ Gri-  
manum alterum ex duobus dignissimis Cardinalibus, ad cogno-  
ſcendum & terminandum omnes & singulas causas tuas per postre-  
mum reſcriptum in Inhibitionis Instrumento insertum, deputa-  
tis. quomodo ex tenore eiusdem Instrumenti, quod ad tui conſo-  
lationem, & iactantiæ tibi aduersantium confusionem ad te mit-  
titur plenius intelliges. Adempta est tertio Iudici Cardinali omnis  
Iurisdictio, perbelle quidem, ne propter superiorem in ripa flumi-  
nis locum, quem denuo obtinet, potum tibi forte turbasset. Iussi-  
mus nuper, & nunc quoque iubemus, bono te esse animo.